



I. ATALA

BIZKAIKO LURRALDE HISTORIKOKO FORU ADMINISTRAZIOA

Bizkaiko Foru Aldundia

Euskara, Kultura eta Kirol Saila

Bizkaiko Foru Aldundiaren 187/2019 FORU DEKRETUA, abenduaren 10ekoa. Honen bidez, oinarri-arauak eta deialdia onartzen dira, 2020ko ekitaldian euskararen erabilera sustatu, zabaldu edo normalizatzeko jarduerak egiten dituzten udalei, udal erakunde autonomoei eta mankomunitateei diru-laguntzak emateko.

Euskararen erabilera normalizatzeko Eusko Legebiltzarraren 1982ko azaroaren 24ko 10/1982 oinarritzko Legeak, zioen azalpenean, ezartzen du Konstituzioak eta Autonomia Estatutuak Euskal Autonomia Erkidegoko herri-aginteen esku jartzen dutela euskararen erabilera normalizatzera eta garatzera bideratutako neurriak hartzea.

Hortaz, 26. artikulua xedatzen du euskal herri-aginteei neurri egokiak hartuko dituztela eta beharrezko bitartekoak jarriko gizar-te-bizitzako alor guztietan euskararen erabilera sustatzeko, herritarrek salerosketako, kulturako, elkarteetako, kiroleko, erlijiozko edota beste edozein motatako jarduerak guztiak euskaraz garatu ahal izan ditzaten.

Bizkaiko Foru Aldundiaren 2018ko martxoaren 6ko 22/2018 Foru Dekretuak (horren bidez Bizkaiko Foru Aldundiko Euskara eta Kultura Sailaren egitura organikoari buruzko erregelamendua onesten da) ezartzen du Sail horren eskumena dela euskararen ezagutza eta erabilera sustatzea gizar-tearen alor guztietan; hala, osatu egiten da foru-dirulaguntzetarako deialdi honen esparru juridikoa.

Foru Dekretu honek erregulazio onaren printzipioak betetzen ditu. Printzipio horiek Administrazio Publikoen Administrazio Prozedura Erkidearen 2015eko urriaren 1eko 39/2015 Legean daude ezarrita eta Bizkaiko Foru Aldundiaren 2017ko urtarrilaren 17ko 2/2017 Foru Dekretuaren 3. artikuluan jasotzen dira (dekretu horren bidez, Bizkaiko Foru Aldundian xedapen orokorrak egiteko prozedura arautzen da).

Foru Dekretu horretan xedatutakoa kontuan hartuta, txosten hauek eman dira Foru Dekretu hau egin denean:

1. Proiektua sustatu duen sailaren txosten juridikoa.
2. Generoaren eraginaren aurretiazko ebaluazioari buruzko txostena.
3. Kontrol ekonomikoari buruzko txostena.
4. Legezketasunari buruzko txostena.

Bizkaiko Kondaira Lurraldeko Foru Erakundearen Hautapen, Antolaketa, Erregimen eta Funtzionamenduari buruzko 1987ko otsailaren 13ko 3/1987 Foru Arauaren 39.k) artikulua ezartzen du foru-diputatuen eskumena dela, besteak beste, Foru Aldundiari proposamenak aurkeztea haien sailerako gaiari buruzko Foru Dekretuen proiektuak onar ditzan. Bestalde, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 16.1 artikulua ahalmena ematen dio Bizkaiko Foru Aldundiari dirulaguntzen emakida arautuko duten oinarriak onesteko. Eta Diru-laguntzen Erregelamendua onesten duen Bizkaiko Foru Aldundiaren 2010eko martxoaren 23ko 34/2010 Foru Dekretuaren 41.1 artikulua aukera ematen du dirulaguntzen oinarri arautzaileak eta deialdia batera izapidetzeko, eta ezartzen du Bizkaiko Foru Aldundiaren Gobernu Kontseiluari dagokiola onartzea, egintza bakarrean.

Hori dela bide, Euskara, Kultura eta Kirol Saileko foru diputatuaren ekimenez, eta aurrez Bizkaiko Foru Aldundiak 2019ko abenduaren 10eko bileran aztertutik, honako hau,



XEDATZEN DUT:

Artikulu Bakarra.—Foru-dirulaguntzen oinarri arautzaileak eta deialdi publikoa onestea

2020ko ekitaldian euskararen erabilera sustatu, zabaldu edo normalizatzeko jarduerak egiten dituzten udalei, udal erakunde autonomoei eta mankomunitateei Euskara, Kultura eta Kirolaren Foru Sailak emango dizkien dirulaguntzen oinarri arautzaileak eta deialdia onartzen dira. Ondoren jasotzen da oinarrien eta deialdiaren testua.

I. TITULUA

XEDAPEN OROKORRAK**1. oinarria.—Dirulaguntzaren xedea**

1. Foru Dekretu honen arabera, Bizkaiko Lurralde Historikoan euskararen erabilera sustatu, zabaldu edo normalizatzeko egiten diren proiektu eta jarduera hauek jaso dezakete dirulaguntza:

- a) Toki-eremuko kultur, kirol, aisia eta astialdiaren arloko elkarteetan zein mugimenduetan euskararen erabilera sustatzen duten programak eta jarduerak, bereziki haur eta gazteen arlokoak, eta, oro har, HAKOBA Herri Aginteak Koordinatzeko Batzordeak eta/edo Bizkaiko Euskara Bizia batzordeak lehentasunezko zatitzaileak, Euskara, Kultura eta Kirolaren Foru Saileko Euskara Zuzendaritza Nagusiak bere gain hartu dituenak.
- b) Hizkuntza sustatzeko estrategikoak diren toki-eremuko kolektiboetan euskararen erabilera sustatzen duten programak eta jarduerak, edo bereziki eragin nahi den sektore jakinetan erabilera sustatzen dutenak, hala nola, lan-munduan, etorkinen artean edo sare sozialetan.
- c) Toki-eremuko herritarrek euskara teknologia berrietan erabil dezaten sustatzeko programak eta toki-erakundeetako ezagutzari buruzko edukiak sarean jartzea xede duten Herripedia proiektuak.
- d) Tokian tokiko euskararen ondarea jaso, zaindu eta berreskuratu nahi duten programak, ondare hori gizartearen barruan erabili ahal izateko (kantua, bertsoak, euskalkiak, etab.). Programok balorazio berezia izateko, nahitaezkoa izango da Euskaltzaindiaren edo Labayru Ikastegiaren onirizpena izatea, eta eskatzaileek eurek ekarri beharko dute. Onirizpena urtero ekarri behar da edo bertan zehaztu proiektuaren iraupena.
- e) Entitate eskatzailearen lurralde-eremuan Eusko Jaurlaritzaren Euskara Sustatzeko Ekintza Plana (ESEP) egin eta ezartzeko programak. Euskal Autonomia Erkidegoko Gobernu Kontseiluaren 2012ko uztailaren 24ko Erabakiaren bidez onartu zen plan hori.

Emakumeen eta Gizonen berdintasunerako 2018ko ekainaren 20ko 4/2018 Foru Arauan eta Emakumeen eta Gizonen Berdintasunerako 2005eko otsailaren 18ko 4/2005 Legean ezarritakoari jarraituz, dirulaguntza jasotzen duten proiektuek ez dute hizkera sexistarik erabiliko ez zuzenean, ez beste pertsona edo entitate batzuen bitartez sortzen dituzten dokumentuetan eta euskarrietan (idatzietan, irudietan, eta abarretan).

Dirulaguntzarako eskabidean aurkeztutako proiektuak 2020ko ekitaldiaren barruan garatu beharko dira.

Sexua dela-eta diskriminatzen duten jarduerak edo ekintzak ezingo dira diruz lagundu, inondik nora.

2. Foru Dekretu honen aplikazio-eremutik kanpo geratzen dira honako hauek:

- a) Eusko Jaurlaritzaren Euskara Sustatzeko Ekintza Planak (ESEP) ezarritako helburuekin bat ez datozen proiektuak. Plan hori Euskal Autonomia Erkidegoko Gobernu Kontseiluaren 2012ko uztailaren 24ko erabaki baten bidez onetsi zen.
- b) Nola edo hala udal, udal erakunde autonomo eta mankomunitateak barrutik eskalduntzeko programak eta ekintzak, bai eta udal, udal erakunde autonomo eta



mankomunitateen barne-erabilerako planak ere. Halaber, udalerriko biztanleei euskara ikasteko ematen zaizkien dirulaguntzak.

- c) Helburu asistentziala duten programak eta ekintzak.
- d) Jai egitarauak, herriko jaien ingurukoak edo urtero ospatzen diren jaiak lotutakoak. Hala ere, horrelakoak diruz lagungarriak izango dira, baldin eta sustatzailerak A eta B eredu soziolinguistikoetako udala, udal erakunde autonomoa nahiz mankomunitatea bada eta 10.000 biztanle baino gutxiago baditu.
- e) Aldundiaren dirulaguntza zuzena duten programak edo Bizkaiko Foru Aldundiaren beste deialdi batetan dirulaguntza jasotzen dutenak.
- f) C eta D eredu soziolinguistikoak (biztanleen %50 edo gehiago euskaldunak dira) dituzten udal, udal erakunde autonomo eta mankomunitateek sustatutako programen kasuan, kanpo geratuko dira euskararen sustapen, zabalkunde eta normalizazioa helburu nagusi eta espezifiko izan beharrean, kulturari (musika-kontzertuak, antzerkia) edo aisialdiari (udalekuak, adibidez) lotutako helburuak dituztenak.
- g) Euskararen erabilera zenbaterainokoa den neurtzeko edo inkesta soziolinguistikoak egiteko programak.
- h) Beste entitate edo pertsonen dirulaguntzak ematea xede duten programak, salbu proiektua partzialki edo bere osotasunean garatzeko irabazi-asmorik gabeko entitateekin egindako hitzarmenak baldin badira.
- i) Sexu bien arteko tratu-berdintasuna bermatzen ez duten edo sexuagatik diskriminatzen duten proiektuak.

3. Diruz laguntzeko gastutzat joko dira batere zalantzarik gabe lagundutako jardueraren izaerarekin bat datozenak, guztiz beharrezkoak badira eta ezarritako epearen barruan egiten direnak, baina dirulaguntza jaso dezaketen gastuen eskuraketa-kostua ezin da inola ere izan merkatuko balioa baino handiagoa.

Honako hauek ez dira diruz lagundu daitezkeen gastuak:

- a) Udal entitatearen jardunari dagozkion pertsonal-gastuak.
- b) Ekipo-ondasunak erostea, baldin eta haien amortizazioa luzeagoa bada dekretu honetan jasotzen diren jarduerak egiteko epea baino.
- c) Banku-kontuetako interes zordunak.
- d) Interesak, errekaruak, administrazio-zehapenak eta zigor-zehapenak.
- e) Prozedura judizialen gastuak.
- f) Zeharkako tributuak (BEZa barne) ez dira diruz lagundu daitezkeen gastuak baldin eta berreskuratu edo konpentsatu egin badaitezke. Kasu horretan, gastuen zenbatekoek BEZik gabe agertu behar dute, hala eskabidean agertzen den aurrekontuan, nola dirulaguntzaren justifikazioarekin batera aurkeztuko den aurrekontu gauzatuan. Era berean, ez dira diruz lagundu daitezkeen gastuak errentaren gaineko zerga pertsonalak.
- g) Oro har, 2005eko maiatzaren 31ko 5/2005 Foru Arauaren 29. artikularekin bat etorrira, beren-beregi kanpo utzitakoak.

4. Foru Dekretu honen helburua entitate eskatzaileen ekintzak babestu eta osatzea da; hori dela eta, ez dira inoiz finantzatuko jarduera egiteagatik sortutako gastu guztiak.

2. oinarria. — Onuradunak

1. Bizkaiko Lurralde Historikoko udalak, udal erakunde autonomoak eta mankomunitateak izan daitezke Foru Dekretu honetan araututako dirulaguntzen onuradun, baldin eta Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 12. artikuluan jasotako egoeretakoa batean sartuta ez badaude.



2. Halaber, honako pertsona juridiko hauek ezin izango dute dirulaguntzak emateko prozesu honetan parte hartu eta onuradun izan baldin eta:

- a) Berdintasunerako eskubidea eta sexu-diskriminaziorik eza urratzeagatik zehapen irmoa izan badute administrazio-bidean, edo lan-arloan edo zigor-arloan, dagokien zehapena indarrean dagoen bitartean.
- b) Beren helburuak, onarpen- edo sarbide-sistema, funtzionamendua, ibilbidea edo estatutuak emakumeen eta gizonen berdintasunaren printzipioaren aurkakoak badira.
- c) Emakumeen eta Gizonen Berdintasunerako 2005eko otsailaren 18ko 4/2005 Legearen III. tituluari, Emakumeen eta Gizonen Berdintasun Eragingarrirako 2007ko martxoaren 22ko 3/2007 Lege Organikoan edo Emakumeen eta Gizonen Berdintasunerako 2018ko ekainaren 20ko 4/2018 Foru Arauan ezarritako betebeharrak betetzen ez badituzte.

II. TITULUA

ARAUBIDE JURIDIKOA

3. oinarria. — Araudi aplikagarria

Foru Dekretu honetan jasota ez dagoenerako, honako hauek aplikatuko dira: Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Araua, 2010eko martxoaren 23ko 34/2010 Foru Dekretuaren bidez onetsitako Diru-laguntzen Erregelamendua, eta, haien guztien osagarri moduan, Administrazio Publikoaren Administrazio Prozedura Erkidearen 2015eko urriaren 1eko 39/2015 Legea, Sektore Publikoaren Araubide Juridikoaren 2015eko urriaren 1eko 40/2015 Legea eta beste edozein xedapen arau-emaile, duen izaeragatik aplikatzeko modukoa baldin bada.

4. oinarria. — Arau-hausteak eta zehapenak

Arau-hauste eta zehapenei dagokienez, Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren IV. tituluari xedatutakoa aplikatuko da, bai eta arau hori garatzen duen erregelamenduaren IV. tituluari xedatutakoa ere.

III TITULUA

PROZEDURA

5. oinarria. — Eskabideak aurkezteko lekua eta epea

1. Administrazio Publikoaren Administrazio Prozedura Erkidearen 2015eko urriaren 1eko 39/2015 Legearen 14. artikulua araberako, diru-laguntzetarako eskabideak Bizkaiko Foru Aldundiaren egoitza elektronikoen bidez aurkeztu beharko dira (<https://www.ebizkaia.eus/eu/hasiera>).

2. Eskabideak aurkezteko epea 2020ko urtarrilaren 2tik 31ra artekoa izango da, egun bi horiek barne.

6. oinarria. — Eskabidearekin batera aurkeztu behar diren agiriak

1. Eskabideak aurkezteko, Bizkaiko Foru Aldundiaren egoitza elektronikoen bidez bete eta aurkezteko dauden eredu espezifikoak erabili behar dira (<https://www.ebizkaia.eus/eu/hasiera>), 39/2015 Legearen 66.6 artikuluan ezarritakoarekin bat.

Entitate batek baino gehiagok elkarlanean gauzatzekoak diren egitarauen kasuan, zehaztu beharko da aurrekontuan zein den entitate bakoitzak egiten duen ekarpena eta zein gastu hartzen dituen bere gain; eskabidea, betiere, entitate batek aurkeztuko du, 2005eko maiatzaren 31ko 5/2005 Foru Arauaren 10.3 artikuluan xedatutakoaren arabera. Horrela egiten ez bada, eskabide horiek ezetsi egingo dira.



2. Dokumentazio orokor hau erantsi beharko da:

- a) Entitate eskatzailearen IFZren fotokopia.
- b) Banku-helbideraketaren fitxa.

Dokumentazio hau aurkeztu beharko da baldin eta ez bada aurretiaz aurkeztu foru-aldundi honetako Euskara Zerbitzuan, eta ez bada aldaketarik egon azken hiru urteetan; izan ere, kasu horretan, zehaztu beharko da zein egunetan aurkeztu zen.

3. Halaber, dokumentazio espezifiko hau erantsi beharko da:

- a) Programatutako jardueraren proiektu xehatua. Honako hau zehaztu behar du, gutxienez:
 - 1) Proiektuaren deskripzioa.
 - 2) Euskara Biziberritzeko Plan Nagusiaren edo Euskara Sustatzeko Ekintza Planaren (ESEP) zer helburu lortu nahi diren, bakarrik entitate hauen kasuan: Euskara Biziberritzeko Plan Nagusia edo Euskara Sustatzeko Ekintza Plana (ESEP) garatzeko urte anitzeko plan estrategikorik onartuta ez duten entitateen kasuan.
 - 3) Zer baliabide ekonomiko dauden proiektua garatzeko: sarreraren eta gastuen aurrekontu zehaztua, entitateak proiektua garatzeko zer finantza-baliabide dituen zehaztuta. Egoitza elektronikoan dagoen ereduan jasotzen diren datuak bete beharko dira.
- b) Foru Dekretu honen 9. oinarriaren 1.b) irizpidea dela-eta lehentasunezko balorazioa nahi duten entitateen kasuan, entitate eskatzaile bakoitzak ondoren aipatzen diren agirien ale bana aurkeztu beharko du, laguntza zenbat proiektutarako eskatzen den aintzat hartu gabe:
 - 1) Foru Dekretu hau argitaratzen den egunean entitateak Euskara Biziberritzeko Plan Nagusia edo Euskara Sustatzeko Ekintza Plana (ESEP) garatzeko urte anitzeko plan estrategikoa onartuta duela egiaztatzen duen agiria. Ziurtagiri honen ordeztu, Eusko Jaurlaritzaren egiaztagiria onartuko da.
 - 2) Foru Dekretu hau argitaratzen den egunean Euskara Biziberritzeko Plan Nagusia garatzeko urte anitzeko plan estrategikoari dagokion 2020ko kudeaketa-plana onartuta dagoela egiaztatzen duen agiria; haren ordeztu, Eusko Jaurlaritzaren egiaztagiria onartuko da.
- c) 1. oinarriaren 1 zenbakiko d) letran aipatutako kasuetan, Euskaltzaindiaren edo Labayru Institutuaren txostena.
- d) Proiektua zein taldetan sartzen den (A, B, C, D, E).
- e) Aurrekontua: toki-entitateak 2019an euskarako biztanleko erabili duen aurrekontua.
- f) Gizon eta emakumeen arteko berdintasuna sustatzeko proiektuaren edukiari buruzko informazioa (proiektuan parte-hartzea, proiektuaren zabalkundea eta ebaluazioa, sexuaren arabera datuak bereizita jasotzea, ezarritako estereotipo eta rolek haustura eta abar).
- g) Hala bada, emakumeen eta gizonen berdintasunerako plana edo programa onartuta duela egiaztatzen duen agiria.
- h) Emakumeek eta gizonek proiektuan berdintasunez parte hartzeari buruzko argibideak, berdintasunezko sarbiderako egon daitezkeen oztopoei buruzko informazioa eta, behar izanez gero, berdintasunezko sarbidea bermatzeko neurrien zehaztapena.

4. Eskaera hau sinatuta baimena ematen zaio Euskara, Kultura eta Kirolaren Foru Sailari Ogasunaren, eta Gizarte Segurantzaren ziurtagiriak eskatzeko, Diru-laguntzei buruzko 2005eko maiatzaren 31ko 5/2005 Foru Arauaren 21.3 artikuluan ezarritako ondorioetarako.

**7. oinarria. — Eskabideak zuzentzea eta hobetzea**

1. Eskabideak behar bezala beteta ez badaude, edo eskabidearekin batera Foru Dekretu honetan eskatutako agirietakoren bat aurkeztu ez bada, orduan errekerimendua egingo zaio entitate interesdunari, hamar (10) egun balioduneko epearen barruan akatsa zuzendu edo beharrezko agiriak aurkez ditzan; hala egiten ez badu, adieraziko zaio eskabidean atzera egin duela ulertuko dela eta, behin ebazpena emanda, eskabidea artxibatu egingo dela.

2. Edonola ere, Euskara, Kultura eta Kirolaren Foru Sailak beharrezkotzat jotzen duen informazio osagarri guztia eskatu ahal izango du aurkezten diren eskabideak behar bezala ulertzeko eta ebaluatzeko.

8. oinarria. — Diru-laguntza emateko prozedura

Diru-laguntza hauek norgehiagoka eta hainbanaketa erabiliko dituen sistema misto baten bidez emango dira:

- Norghegiagoka: epaimahai kalifikatzaile bat eratuko da eta aurkeztutako eskabideak alderatuko ditu, 9. oinarrian ezarritako ebaluazio-irizpideak kontuan hartuta, eskabideen arteko lehentasun-hurrenkera ezartzeko. Foru diru-laguntzak 85 puntu edo gehiago lortu dituztenei emateko proposamena aurkeztuko du, betiere aurrekontuko partidan ezarritako zenbatekoa muga izanik.
- Geratzen den kredituaren hainbanaketa ezarriko da epaimahai kalifikatzaileak ezarritako gutxieneko puntuazioa eta 84 puntu (biak barne) arteko emaitza lortzen duten eskabideen artean.

Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 20.1 artikulua arabera diru-laguntzak emateko prozedura arrunta norgehiagoka izan arren, hainbanaketa erabili daiteke, salbuespenen gisa, aipatutako 20.1 artikuluan oinarrituta, oinarri-arauetan aurreikusita badago. Hainbanaketa da puntuazio-tarte honetan dirulaguntzak emateko prozedura egokiena; izan ere, aukera ematen du proiektu gehiagori laguntza emateko, eta hala deialdiaren aplikazio-eremua zabaltzen da.

9. oinarria. — Ebaluazio irizpideak

1. Diru-laguntzetarako eskabideei buruzko ebazpen-proposamena egiteko eta haien zenbatekoa zehazteko, epaimahai kalifikatzaileak ondorengo irizpideak eta haien haztapena hartuko ditu kontuan. Gehienez, 100 puntu emango dira, honela banatuta:

- a) Jarduera mota, honako lehentasun-hurrenkera honen arabera (eman beharreko kopuru osoaren 40 puntu emango dira gehienez, jardueraren izaera, edukia eta izan dezakeen ondore biderkatzailea kontuan hartuta):
 - 1) Hakoba, Herri Aginteak Koordinatzeko Batzordeak eta/edo Bizkaiko Euskara Bizia batzordeak ezarri eta Euskara, Kultura eta Kirolaren Foru Saileko Euskara Zuzendaritza Nagusiak onartutako lehentasunen arabera, berebiziko interesa edo garrantzia duten arloak garatzeko proiektuak bereziak (euskara eta kirola, 11 egun euskaraz ekimena, etab.).
 - 2) Informazioaren eta komunikazioaren teknologiak, Herripedia proiektuak barne.
 - 3) Tokian tokiko euskararen ondarea (aurreko ekitaldietan hasitako osagarri diren proiektuen kasuan).
 - 4) Gazteentzako jarduerak.
 - 5) Umeentzako jarduerak.
 - 6) Etorkinentzako jarduerak.
 - 7) Tokian tokiko euskararen ondarea (proiektu berriak).
 - 8) Edonorentzako jarduerak.
- b) Proiektuek bat egitea Eusko Jaurlaritzak onetsitako Euskara Biziberritzeko Plan Nagusian edo Euskara Sustatzeko Ekintza Planak (ESEP) ezarritako helburue-



kin, tokian tokiko ezaugarri soziolinguistikoaren arabera, eta kontuan hartuta Eusko Jaurlaritzak, biztanlerian eta euskaldunen kopuruan oinarrituta, egindako udalerrien sailkapena. Euskara Biziberritzeko Plan Nagusiaren edo Euskara Sustatzeko Ekintza Planaren (ESEP) urte anitzeko plan estrategikoan eta 2020ko kudeaketa-planean sartutako proiektuak lehenetsiko dira (eman beharreko kopuru osoaren 10 puntu emango dira gehienez).

- c) Aurrekontua: toki-entitateak 2019an euskararako biztanleko erabili duen aurrekontua (eman beharreko kopuru osoaren 10 puntu emango dira gehienez).
- d) Euskaldunen portzentajea udalerriko biztanle guztiekin alderatuta (eman beharreko kopuru osoaren 15 puntu emango dira gehienez).
- e) Udalerriko biztanle kopurua (eman beharreko kopuru osoaren 15 puntu emango dira gehienez).
- f) Proiektuak gizon eta emakumeen arteko berdintasuna sustatzeko duen edukia (eman beharreko kopuru osoaren 5 puntu emango dira gehienez).
- g) Entitate eskatzaileak emakumeen eta gizonen berdintasunerako plana edo programa onartuta izatea (eman beharreko kopuru osoaren 5 puntu emango dira gehienez).

2. Proiektuak aztertu ondoren, epaimahai kalifikatzaileak gutxienezko puntuazio bat ezarriko du eta hortik gorako puntuazioa lortzen duten proiektuek diru-laguntza jasoko dute. Epaimahaiak 400 eurotik beherako ekarpena ezarri dien proiektuek ez dute diru-laguntzarik jasotzeko eskubiderik izango.

3. Diru-laguntzaren zenbatekoa zehazteko jardueraren aurrekontua hartuko da oinarri (gutxienez, erabilgarri dagoen ereduaren dauden xehetasunekin aurkeztu behar da aurrekontua). Aldez aurretik, behar izanez gero, zenbatu ezin diren gaitasun arazketa egingo da, eta kendu egingo dira deialdiaren xedearekin zuzenean lotuta ez dauden gastuak.

Baldin eta entitate onuradunen baten eragin-eremuak gaitzen badu Bizkaiko Lurralde Historikoaren eremua, orduan, aurreko paragrafoaren arabera araztutako kopuruaren gainean ezarriko da egitasmo bakoitzean parte hartzen duten udalerririk bizkaitarretako biztanleek dakarten ehunekoak egitasmo horrek hartzen dituen udalerririk gutxietako biztanleen gainean.

4. Proiektu bakoitzari adjudikatutako diru-laguntzak ez du gaitutako aurkeztutako proiektuaren aurrekontu araztuaren %45. Lor daitekeen gehieneko puntuazioari (100 puntu) aplikatuko zaio ehuneko hori, 9. oinarri honetan ezarritako irizpideen arabera; ondoren, epaimahaiak ezarritako irizpidearen arabera, linealki edo progresioan beherantz joango da, 85 puntura heldu arte.

5. Epaimahai kalifikatzaileak ezarritako gutxienezko puntuazioaren eta 84 punturen (biak barne) arteko puntuazioa lortzen duten eskabideek aurkeztu diren eskabideen artean eskura dagoen kredituaren hainbatzatearen ondorioz ateratako zenbatekoa jasoko dute, lortu duten puntuazioaren arabera, ezarritako ehunekoak eta gehieneko muga kontuan hartuta. Baliagarri dagoen kreditua izango da gutxienezko puntuazioa (85 puntu) lortzen duten eskabideei diru-laguntzak eman ondoren geratzen dena.

6. Behin eskabideen hurrenkera ezarri eta gero, entitate hautagaien gaitasunak gainerako entitate onuradunen mesederako izan ahal dira, eta gaitasun hori oinarri honen 5. zenbakian ezarritakoa betez banatuko da.

10. oinarria. — Aholkularitza

Euskara, Kultura eta Kirolaren Saileko Euskara Zerbitzuak behar den laguntza tekniko edo aholkularitza eskainiko ditu Foru Dekretu hau dela-eta sortutako zailtasun edo kontsulta guztiak argitzeko, (horretarako, www.bizkaia.eus/laguntzaileEuskara foru-web-gunea erabili ahal da).

**11. oinarria. — Epaimahai kalifikatzailea**

1. Epaimahai kalifikatzaile bat eratuko da aurkeztutako eskabideak aztertu eta ebaluatzeko. Epaimahaikideak Euskara, Kultura eta Kiroleko foru diputatuak izendatuko ditu, foru-agindu bidez. Izendapen hori egiteko Emakumeen eta Gizonen berdintasunerako 2018ko ekainaren 20ko 4/2018 Foru Arauaren 44. artikuluan ezarritakoa beteko da.

2. Epaimahai kalifikatzaileak, diru-laguntzak adjudikatzeko irizpideak kontuan hartuta, ebazpen-proposamena aurkeztuko dio Euskara, Kultura eta Kirolaren Saileko foru diputatuari, behin betiko ebazpena eman dezan.

12. oinarria. — Ebazpena

1. Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 22.4. artikuluan xedatutakoa betez, deialdi honetan, interesdunei ez zaie, lehenbizi behin-behineko ebazpen-proposamena eman, eta, gero, entzunaldiaren izapidea eskainiko, zeren prozeduran jaso eta kontuan hartuko diren bakarrak interesdunek ekarri dituzten egitateak, alegazioak eta frogak baitira.

2. Deialdia ebatzi baino lehen, Euskara Zerbitzuak egiaztatuko du ea eskatzaileek egunean dituzten zerga-betebeharrak eta Gizarte Segurantzarekikoak. Halaber, egiaztatuko du ez direla zordun dirulaguntza itzuli behar dutela-eta. Aurreko guztia egiaztatu ondoren ikusten bada eskatzailearen batek ez duela betetzen betebeharrak edozein, errekerimendua egingo zaio hamar (10) eguneko epean egoera hori erregulariza dezan, eta ohartaraziko zaio hori egiten ez badu bere eskabidean atzera egindakotzat joko dela, behin ebazpena emanda.

3. Eskabideei buruzko ebazpena emateko eta jakinarazteko epea bost (5) hilabetekoa izango da gehienez, eskabideak aurkezteko epea amaitzen denetik zenbatuta. Euskara, Kultura eta Kiroleko foru diputatuak emango du ebazpena, epaimahai kalifikatzailearen proposamena kontuan hartuta.

Epe hori eskabideari buruzko ebazpen espresurik eman eta jakinarazi gabe igarotzen bada, eskabidea ezetsizat joko da; hala ere, geroago ebazpen espresua eman ahal izango da.

4. Deialdi hau ebazteko ematen den foru-agindua deialdi publiko honen erakunde interesdunei jakinaraziko zaie; horretarako, iragarkia argitaratuko da Bizkaiko Aldizkari Ofizialean. Egoitza elektronikoa agertzeko sistemaren bidez ere jakinaraziko da.

Jakinarazpenean, berariaz jasoko da ebazpenak administrazio-bidea agortzen duela. Haren aurka, interesdunek administrazioarekiko auzibidera jo aurreko errekerimendua bidali ahal izango diote Bizkaiko Foru Aldundiko Euskara, Kultura eta Kiroleko foru diputatuari, bi (2) hilabete epean, edo, bestela, zuzenean aurkez dezakete administrazioarekiko auzi-errekurtsioa Euskal Autonomia Erkidegoko Justizia Auzitegi Nagusiko sala eskudunean, bi (2) hilabete epearen barruan; epeok jakinarazpena egin eta biharamunean hasiko dira zenbatzen. Aurrez errekerimendua egin bada —Administrazioarekiko Auzien Jurisdikzioa arautzen duen 1998ko uztailaren 13ko 29/1998 Legearen 44. artikuluan zehazten denaren arabera—, orduan, errekurtsioa aurkezteko epea beren-beregiko erabakiaren jakinarazpena jaso eta biharamunean hasiko da zenbatzen edo, bestela, ustez ezetsizat jo eta biharamunean.

13. oinarria. — Bateragarritasuna beste diru-laguntza batzuekin.

1. Foru Dekretu honen babesean emandako diru-laguntzak bateragarriak izango dira helburu bererako Estatuko, Europar Batasuneko edo nazioarteko edozein administrazio edo erakunde publikok zein pribatuk ematen dituzten diru-laguntza, laguntza, diru-sarrera edo baliabideekin (Bizkaiko Foru Aldundiak berak ematen dituenekin izan ezik).

2. Diru-laguntza emateko kontuan hartu diren inguruabarretakoren bat aldatzen bada, eta betiere aldi berean udalerrietako, autonomia-erkidegoetako, estatuko edo nazioarteko beste administrazio edo erakunde publiko batek emandako beste diru-laguntza, laguntza, sarrera edo baliabideren bat lortzen bada, gerta liteke diru-laguntza emateko ebazpena al-



datzea, zeren Foru Dekretu honen bitartez araututako diru-laguntzen zenbatekoa, bakarrik zein beste diru-laguntza edo laguntza batzuekin bat eginda (finantzaketa propioa barne), inolaz ere ezin baita izan onuradunak egin beharreko jardueraren kostua baino handiagoa.

IV TITULUA

DIRU-LAGUNTZEN KUDEAKETA ETA JUSTIFIKAZIOA

14. oinarria. — Diru-laguntza ordaintzea

1. Deialdi hau ebazteko ematen den foru-agindua Bizkaiko Aldizkari Ofizialean argitaratu eta ondorengo hamar egun baliadunetan onuradunak ez badio beren-beregi eta idatziz uko egiten, diru-laguntza onartu duela ulertuko da.

Deialdi honen ebazpena dela-eta onuradunen batek uko egiten badio emandako diru-laguntzari, horrek ez du berekin ekarriko ebazpenean jasota dauden eta onuradunei jakinarazi zaizkien diru-laguntzen zenbatekoak handitzea.

Diru-laguntza eman dela Bizkaiko Aldizkari Ofizialean argitaratu ondoren, 10 egun baliadun igaro eta berehala, Euskara Zerbitzuak hari dagokion zenbatekoaren ordainketa izapidetuko du Ogasun eta Finantzen Foru Sailean, eta entitate onuradunei ez zaie horretarako inolako bermerik eskatuko.

2. Diru-laguntza ordaindu baino lehen, egiaztatuko da onuradunek egunean dituztela zerga-betebeharrak eta Gizarte Segurantzarekikoak. Halaber, egiaztatuko du ez direla zordun dirulaguntza itzuli behar dutela-eta.

Egiaztapena egin ondoren ikusten bada onuradunetako batek betebehar horietako edozein ez duela betetzen, errekerimendua egingo zaio 10 eguneko epean egoera hori erregulariza dezan, eta ohartaraziko zaio, horrela egiten ez badu, emandako diru-laguntza jasotzeko eskubidea galduko duela.

15. oinarria. — Diru-laguntza onuradunaren borondatez itzultzea

1. 2010 martxoaren 23ko 34/2010 Foru Dekretuaren 76. artikuluan xedatutakoaren arabera (dekretu horren bidez, Diru-laguntzen Erregelamendua onesten da, 2005eko maiatzaren 31ko 5/2005 Foru Araua garatzen duena), onuradunak bere ekimenez itzuli ahal izango du Bizkaiko Foru Aldundiak emandako diru-laguntza, foru-erakundeak aurretik hala eskatu gabe.

Halakoetan, Bizkaiko Foru Aldundiak diru-laguntza benetan itzultzen den arte sortutako berandutze-interesak kalkulatu ditu, aipatutako 76. artikuluan eta 5/2005 Foru Arauaren 34. artikuluan ezarritakoarekin bat etorrira.

2. Foru diru-laguntza bat onuradunak berak eskatuta itzultzeko, ordainketa-gutun bat erabili behar da. Ordainketa-gutun hori diru-laguntzaren kudeaketaz arduratu den foru-zerbitzuaren bulegoetan izapidetuko da, onuradunak eskaera aurkeztu eta gero. Ordainketa-gutun horretan honako hauek adierazi behar dira: itzuli beharreko zenbatekoa (printzipala eta berandutze-interesak), ereduaren kodea eta diru-sarreraren zergatia, itzuli nahi den diru-laguntzari erreferentzia eginda.

3. Diru-laguntzaren onuradunak finantza-entitate batean ordainketa egin ondoren, ordainketaren kopia edo diru-sarreraren frogagiria bidali beharko dio diru-laguntzaren kudeaketaz arduratzen den Euskara, Kultura eta Kirolaren Saileko foru-zerbitzuari.

16. oinarria. — Justifikazioa egiteko epea eta era

Foru Dekretu honen bitartez araututako diru-laguntzen entitate onuradunek honako konpromiso hauek bete beharko dituzte:

1. Jarduera 2020ko ekitaldian egin behar dute oso-osorik.
2. Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsitako Diru-laguntzei buruzko Erregelamenduaren 60. artikularekin bat etorrira, Bizkaiko Foru Aldundiko Euskara, Kultura eta Kirolaren Sailean justifikatu behar da proiektua egin dela, hura emateko oinarrizkoak izan ziren baldintzak betetzen direla eta diruz lagundutako proiektuaren aurrekontu araztuko



gastua nola aplikatu den; horretarako, zenbait agiri aurkeztu behar dira egoitza elektronikoan. Agiri guztiok aurkezteko azken eguna 2021eko martxoaren 1a izango da. Aurkeztu beharrekoak hauek dira:

- a) Diruz lagundutako jardueren nondik norakoei buruzko memoria, bertan honako hauek zehaztuta: jarduerak zenbateraino garatu diren, bai eta diruz lagundutako proiekturako zer giza baliabide eta baliabide material erabili diren ere.
- b) Diruz lagundutako jarduerari dagozkion diru-sarrera eta gastuen behin betiko zerrenda xehatua, entitateak ontzat emana. Egoitza elektronikoan horretarako dagoen eredian jasotzen diren datuak bete beharko dira.
Egoitza elektronikoan horretarako dagoen eredian jasotako aurrekontua bat etorri behar da aurrekontu araztuko kontzeptuekin eta ondoren jasotako d) letran ezarritako txostenarekin.
- c) Gastuen egiaztagirien edo fakturen zerrenda, bakoitzaren zenbatekoa adierazita eta aurrekontuko zer partidari dagokion zehaztuta; egoitza elektronikoan dagoen eredia bete beharko da. Egiaztagirik aurrekontu araztuko kontzeptuei buruzkoak izan behar dute.
Bizkaiko Foru Aldundiak berak egoki iritzitako laginketa-teknikak aplikatuko ditu frogagiriok egiaztatzerakoan, diru-laguntza egoki aplikatzeari buruzko zentzuzko ebidentziak lortu ahal izateko. Eta, horretarako, onuradunari eskatu ahal izango dio bidaltzeko aukeratutako gastu-egiaztagiriak, bai eta haiek ordaindu izanaren egiaztagiriak ere.
- d) Udal kontu-hartzailetzaren txosten teknikoa, egotzitako sarrera eta gastuei buruzkoa. Halaber, txosten horretan jarduera egin dela eta helburua bete dela egiaztatuko da.
- e) Diruz laguntzeko gastuaren aurrekontua justifikatzeko, 2005eko maiatzaren 31ko 5/2005 Foru Arauaren 29.3 artikuluan xedatutakoaren arabera, foru-dirulaguntzaren entitate onuradunak egiaztagiriak aurkeztu behar ditu, gutxienez hiru hornitzailek egin dizkioten eskaintzak justifikatzeko, baldin eta administrazio-kontrataziorako araudian kontratu txikirako ezarritako zenbatekoak gainditzen badira, salbu eta kontratuaren ezaugarri bereziak direla-eta merkaturian ez badago halakorik egin dezakeen entitate nahikorik edo gastua eskabidea aurkeztu aurretik egin bada.
Aurkezten diren eskaintzen artean aukeratzeko, efizientzia- eta ekonomia-irizpideen arabera jokatu da. Hala, proposamen ekonomikorik onena aukeratzeko ez denean, beren-beregi justifikatu beharko da inguruabar hori, memoria baten bidez.
- f) Hainbat entitatek lankidetzan egindako proiektuen kasuan, aurrekontuan jasotakoa kontuan hartuta aurkeztuko dira frogagiriak.
- g) Materiala sortzen denean, sortzen den materialaren ale bana.

17. oinarria. — Diru-laguntzaren onuradunaren beste betebeharrak

Onuradunak betebeharrak hauek ere izango ditu:

- a) Diru-laguntza emateko orduan kontuan hartu den edozein alderdi objektibo edo subjektibok aldatarik izan badu, horren berri ematea diru-laguntza eman dionari.
- b) Jardueraren hasiera-dataren eta amaiera-dataren berri ematea diru-laguntza eman dionari, idatziz. Halaber, diruz lagundutako jarduera kontrolatzeko, haren jarraipena egiteko edo jarduera ikuskatzeko eginkizunak edo ahalmenak gauzatzeko lanak erraztu beharko ditu.
- c) Udalerrietako, autonomia-erkidegoetako, estatuko edo nazioarteko beste administrazio edo erakunde publiko batek xede bererako emandako beste diru-laguntza, laguntza, sarrera edo baliabideren berri ematea laguntza eman dion erakundeari.



- d) Euskara, Kultura eta Kirolaren Foru Sailari laguntzea, hala eskatzen bazaie, eta entitatearen gaineko edozein informazio ematea (azterlanak, inkestak, datu estatistikoak, etab.).
- e) Euskara, Kultura eta Kirolaren Foru Sailak, Ogasun eta Finantzen Foru Sailak eta Herri Kontuen Euskal Epaitegiak egiten dituzten egiaztapen-jarduerak onartzea.
- f) Diru-laguntza jaso ondoren editatutako material guztietan eta egindako jendaurreko agerpen guztietan Bizkaiko Foru Aldundiaren babesa agerraraztea. Horretarako, Bizkaiko Foru Aldundiaren erakunde-irudian ezarritako elementuak baliatuko dira nahitaez, bai eta euskararen txantxangorriarena ere, eta logotipoaren eta irudiaren aldamenean esaldi hau agertuko da hitzez hitz:
«Ekintza honek Bizkaiko Foru Aldundiaren laguntza jaso du» edo «Bizkaiko Foru Aldundiak babestutako ekintza».
- g) Jarduera bakoitzerako sortu diren katalogoen, kartelen edo izaera grafikoa duen beste edozein agiriren aleak aurkeztea. Ale horietan jarduerak Bizkaiko Foru Aldundiaren diru-laguntza jaso duela agerrarazi behar da.
- h) Diru-laguntza jaso duen proiektuaren kanpoko publizitate eta jakinarazpen guztiak gutxienez euskaraz egitea.
- i) Emakumeen eta gizonen berdintasuna sustatzea lanpostuen sarbidean, kontratazioan eta iraungipenean, lanbide-sailkapenean, sustapenean, prestakuntzan, laneko segurtasunean eta osasunean, ordainsari-politikan, erantzunkidetasunean, bizitza pertsonala, lan-bizitza eta familia-bizitza bateragarri egitean, lanaldiaren iraupen eta antolamenduan, ekintza sindikalean, ordezkartzan eta negoziazio kolektiboan, betiere diskriminaziorik sortzen ez duten lan-baldintza duin eta gizalegezkoak bermatuta.
- j) Emakumeen eta gizonen tratamendua, protagonismoa eta balorazioa baliokideak izan daitezen zaintze, eta berdintasuna, presentzia orekatua, dibertsitatea, erantzunkidetasuna, eta generoaren rol eta identitateen aniztasuna balio dituen irudi bat sustatzea idatzizko zein ahozko komunikazioetan, ikonografian, publizitate-ekintzetan, barruko zein kanpoko komunikazio formal eta informalean, eta proiektuari edo jarduerari lotutako edo proiektua edo jarduera egiteko sortutako materialetan.
- k) Proiektua garatzen ari den bitartean hizkera sexistarik ez erabiltzea sortzen dituzten dokumentuetan eta euskarrietan (idatzietan, irudietan, eta abarretan), eta sortzen den pertsonen buruzko edozein estatistiketan datuak sexuaren arabera berezita jasotzea, hala ezartzen baitu arlo horretan gorde behar diren printzipio nagusiak jasotzen dituen Emakumeen eta Gizonen Berdintasunerako 2018ko ekainaren 20ko 4/2018 Foru Arauaren 3. artikulua.
- l) Pertsona fisiko edo juridikoek 250 langiletik gora badute, egiaztatu behar dute emakumeen eta gizonen berdintasunerako plan bat dutela, Emakumeen eta Gizonen Berdintasun Eragingarrirako 2007ko martxoaren 22ko 3/2007 Legean ezarritakoarekin bat, eta benetan aplikatzen dutela. Justifikazioarekin batera betebeharrak izanaren erantzukizunpeko adierazpena aurkeztu beharko da.
- m) Pertsona fisiko edo juridikoek hamabost langiletik gora badute, bermatu beharko dute neurriak hartzen dituztela lan-arloan indarkeria matxista prebenitzeko, hari aurre egiteko, haren jarraipena egiteko, hura ebaluatzeko eta desagerrarazteko, bereziki sexu-jazarpenari eta sexuan oinarritutako jazarpenari aurre egiteko. Justifikazioarekin batera betebeharrak izanaren erantzukizunpeko adierazpena aurkeztu beharko da.
- n) Bizkaiko Foru Administrazioak ematen dituen diru-laguntzen araubide juridiko orokorra arautzen duen maiatzaren 2005eko 31ko 5/2005 Foru Arauaren 13. artikuluan eta Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsi den Diru-laguntzen Erregelamenduaren 54. artikuluan eta hurrengoetan ezarritako gainerakoak.
- ñ) Deialdi honi dagokionez, foru-dirulaguntza baten onuradunek bete egin behar dituzte 5/2005 Foru Arauaren 27. artikuluan eta Diru-laguntzen Erregelamen-



duaren 53. artikuluan azpikontratazioa dela-eta zehazten diren betekizunak eta debekuak. Gehienez ere, diruz lagundutako jardueraren zenbatekoaren %90 azpikontratatu ahal izango da.

18. oinarria. — Itzulketa

1. Jasotako diru-laguntza eta dagozkion berandutze-interesak itzuli beharko dira, baldin eta ez badira betetzen aurreko oinarrietan edo Foru Administrazioak ematen dituen diru-laguntzen araubide juridiko orokorra arautzen duen 2005eko maiatzaren 31ko 5/2005 Foru Arauaren 33. artikuluan edo Bizkaiko Foru Aldundiaren 2010eko martxoaren 23ko 34/2010 Foru Dekretuaren bidez onetsitako Diru-laguntzen Erregelamenduan jasotako betebeharretariko bat edo batzuk. Besteak beste, honelakorik gertatzen bada:

- Justifikatu beharreko guztia justifikatzen ez bada.
- Emandako diru-laguntzaren helburua betetzen ez bada.
- Diru-laguntza justifikatzen ez bada edo Foru Dekretu honetan ezarritakoaren arabera nahiko edo behar bezala justifikatzen ez bada, justifikatu ez den diru-laguntzaren zatia eta sortutako berandutze-interesak itzuli beharko dira, Bizkaiko Foru Aldundiko zerbitzu kudeatzaileak horretarako errekerimendua egin ondoren.
- Proiektua egiteko epea betetzen ez bada jasotako kopurua itzuli beharko da, baita sortutako berandutze-interesak ere, Bizkaiko Foru Aldundiko Euskara Zuzendaritza Nagusiak errekerimendua egin ondoren.
- Diru-laguntza horretarako eskatutako baldintzak bete gabe lortu bada.
- Ezarritako kontrol-jarduerak egiteari uko egiten bazaio, edo horretarako oztopoak jartzen badira.
- Foru Dekretu honetan ezarritako gainerako baldintzak betetzen ez badira.

2. Diru-laguntza jaso duen jardueraren kostua baino finantzaketa gehiago jasotzen bada, diru-laguntza itzuli beharko da.

19. oinarria. — Aurrekontuko partida

1. Deialdi honetako diru-laguntzak emateko 2020. urtean indarrean dagoen aurrekontu-muga honako hau da:

— Zortziehun mila euro (800.000 euro), 2020ko ekitaldiko aurrekontuko G/0406/335106/43299/0000 partidaren kargura, 2008/0033 gastu-proiektua.

2. Aurrekontuei buruzko 2006ko abenduaren 29ko 5/2006 Foru Arauaren testu bateginaren (2013ko abenduaren 3ko 5/2013 Foru Dekretu Arauemailearen bidez onetsi zen) 56.3 artikuluan ezarritakoaren arabera, Foru Dekretu honen babesean emaniko diru-laguntzak baliodun izateko baldintza bat bete beharko da: dagokion ekitaldian Foru Dekretutik eratorritako betebeharrak finantzatzeko kreditu egokia eta nahikoa izatea. Halakorik ez bada, baliorik gabe geratuko dira diru-laguntza horiek.

3. Deialdiko eskabide guztiak ebatzi ondoren, guztira diru-laguntzetarako emandako diru kopurua aurrekontu-muga baino txikiagoa balitz, gastu-baimenaren ezeztapena tramitatuko litzateke, soberan den zenbatekoan.

AZKEN XEDAPENAK**Lehenengo Azken Xedapena. — Ahalmena ematea**

Ahalmena ematen zaio Euskara, Kultura eta Kirolaren Saileko foru diputatuari Foru Dekretu hau garatzeko beharrezkoak diren xedapen guztiak eman ditzan.

Bigarren Azken Xedapena. — Indarrean jartzea

Foru Dekretu hau Bizkaiko Aldizkari Ofizialean argitaratu eta biharamunean jarriko da indarrean.

Bilbon, 2019ko abenduaren 10ean.

Euskara, Kultura eta Kiroleko foru diputatua,
LOREA BILBAO IBARRA

Ahaldun Nagusia,
UNAI REMENTERIA MAIZ